

საქართველოს შინაგან საქმეთა მინისტრის

ბრძანება №153
2014 წლის 25 თებერვალი

ქ. თბილისი

„პირის იდენტიფიკაციის, მოწვეულ პირთან გასაუბრების, პირის ზედაპირული შემოწმების და ნივთის/სატრანსპორტო საშუალების ზედაპირული დათვალიერების ოქმის ფორმების დამტკიცების შესახებ“ საქართველოს შინაგან საქმეთა მინისტრის 2013 წლის 31 დეკემბრის №1008 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის საფუძველზე, ვბრძანებ:

მუხლი 1

„პირის იდენტიფიკაციის, მოწვეულ პირთან გასაუბრების, პირის ზედაპირული შემოწმების და ნივთის/სატრანსპორტო საშუალების ზედაპირული დათვალიერების ოქმის ფორმების დამტკიცების შესახებ“ საქართველოს შინაგან საქმეთა მინისტრის 2013 წლის 31 დეკემბრის №1008 ბრძანებაში (სსმ, ვებგვერდი, 31/12/2013წ., 140130000.22.034.016258) შეტანილ იქნეს შემდეგი ცვლილება:

1. პირველი მუხლის შემდეგ დაემატოს შემდეგი შინაარსის 1¹ მუხლი:

„მუხლი 1¹

1. ამ ბრძანებით გათვალისწინებული ოქმები, თუ მათთან დაკავშირებით მიმდინარეობს სისხლის სამართლის საქმის გამოძიება, ინახება შესაბამის სისხლის სამართლის საქმის მასალებთან ერთად.
2. ამ ბრძანებით გათვალისწინებული ოქმები, თუ მათთან დაკავშირებით მიმდინარეობს ადმინისტრაციული სამართლის საქმეთა წარმოება, ინახება შესაბამის ადმინისტრაციული სამართლის საქმისწარმოების მასალებთან ერთად.
3. თუ ამ ბრძანებით გათვალისწინებულ ოქმებთან დაკავშირებით არ მიმდინარეობს ამ მუხლის პირველ ან მე-2 პუნქტში მითითებული სამართალწარმოება, შესაძლებელია ეგზავნება შესაბამისი უფლებამოსილი დანაყოფის კანცელარიას (საერთო განყოფილება) ერთი წლის ვადით.
4. ამ ბრძანებით გათვალისწინებული ოქმები შესაბამისი სტატისტიკური მონაცემების წარმოების მიზნით, შედგენიდან არა უგვიანეს 5 დღის ვადაში უნდა აისახოს შსს-ს შესაბამის ცენტრალიზებულ მონაცემთა ბაზაში სათანადო პროგრამული უზრუნველყოფის მეშვეობით, რომელზე წვდომაც განხორციელდება ერთჯერადი რიცხვითი პაროლის გენერირების მოწყობილობით.
5. ამ ბრძანებით გათვალისწინებული ოქმის შედგენის შემდეგ წერილობითი მოთხოვნის შემთხვევაში მისი წერილობით დამოწმებული ერთი ეგზემპლარი 10 დღის ვადაში გადაეცემა იმ პირს, რომლის მიმართაც დგება შესაბამისი ოქმი.“.

2. პირველი მუხლით დამტკიცებული ოქმების ფორმები (დანართი №1, №2, №3, №4) ჩამოყალიბდეს თანდართული რედაქციით.

მუხლი 2

ბრძანება ამოქმედდეს გამოქვეყნებისთანავე.

შინაგან საქმეთა მინისტრი

ალექსანდრე ჭიკაიძე

